


Pozna Albertus Constantinus

Palatinus Posnaniensis

Lambicki Thomae: Amphitheatrum honoris

Habeatis sublimem



A

S
J

D

E

in

In

AMPHITHEATRUM

HONORIS TRABEATI

S V B L I M E,

In triplici Brezeiorum Camporum area,

MAGNO & MERITISSIMO HONORI,

ILLVSTRISSIMI & EXCELLENTISSIMI DOMINI,

D. A L B E R T I,
CONSTANTINI,

DE GORAY

B R E Z A,

PALATINI POSNANIENSIS,

CAPITANEI NOVODVORENSIS, &c. &c.

Dum

inter festivas acclamationes, & solennes applausus,

splendidissimo ingressus publici apparatus;

PALATINATUS SUI AUSPICIA,

Posnaniae felicissime ordiretur,

è Voto Lubranfianæ Palladis,

Apollinari barbico,

à M. THOMAS IAMBICKI.

In Alma Universitate Cracoviensi Philosophiæ Doctore, & in Aca-
demia Posnaniensi Rhetoricæ Professore,

E R E C T U M,

luciq; publice

C O N S E C R A T U M.

Anno salutis 1692. Die 18. Augusti

Typis Academiæ Posnaniensis.


38. 00.
M. Casimirus Zyzdliniski, Collegio Stultit.
1692

In Gentilitium Insigne
ILLVSTRISSIMÆ BREZARVM PROSAPIÆ



Mitius Argiuū celebret gens Theſſala Tempe,
In quibus, innumeris floribus, arua tument.
Maior, crede mihi, BREZARVM gloria CAMPIS
Vtrū qui Lechiam fertilitate beant.
Iade Palatine crescut, veniuntq̃ Curules,
Surgit & his omnis pulcher honoris apex.

Michał Mączewski
Studiosus Poëſeos in Academia Polnaniensi



AMPHITHEATRVM

TRABEATI HONORIS

S V B L I M E.



Vgustas Lechiæ trabeas, celsiq; Senatûs
 Purpureas ex asse Togas, ostroq; rubentes
 Sanguinis effusi, tot prensatasque Curules,
 Et meritum virtutis Opus, quo celsior astris
 Amphitheatrales inter Phariosq; labores, (ret;
 BREZEIANA Domus surgit, tum nubila ter-
 Pandimus, Aónio resonantis verbere chordæ.
 Id iubet, en nunquam morituræ Gloria Gentis,
 Imperat & Phœbus, cuius Parnassia magno
 Numine tēpla sonant; calamo dans enthea sacrū.
 Tu modò, cūi, pulchræ lambit vestigia plantæ,
 Atq; Palatinos aperit Posnania postes (nas.-
 Pulcher Honos; permitte rudes resonare Camœ
 Pompa superba virûm, cæco deperdita luxu,
 Tollat in augustæ sursum fastigia molis,
 Pondera terrarum, vastis conatibus Orbem,
 Sumptibus immensis populos, vrgentia. Nomen
 Vtq; perenne suum, crustis his fama superstes,
 Æternum victura canat, celebretq; per Orbem.

A

Sed

Sed labor hic, studio, tenues vanescit in auras,
Et frustra sudat multum, curasq; fatigat.
Quippe juvat nihil, exesis truncisq; levare
Artubus, & laceri miracula quærere fastus:
Si tantas confundit opes, damnosa vetustas;
Et spes sæpè cadit, sub pondere condita tanto.
Corruit occasu vestigia nulla relinquens,
Tot pretijs marmor congestum ex rupibus altis,
Saxaq; Romulidum, secretis fossa cavernis.
Gloria Thebarum, septem liminibus alta,
Quæso, num superest? centrum jacet obruta portis.
Pridem Dædaleas Artes, tumidosq; recessus
Error ad interitum traxit, Cretæq; cadaver
Grande gemit, medioq; iacet vis Dædala ponto.
Parq; Rhodo fortuna Tuo par, maxima gazas
Ægyptus, Phariosque dolet perijsse labores,
Mille columnarumq; struem. Cui inclyta bellis,
Imperij Latiale caput, Princepsq; togata
Urbs accepta Dijs, ac unica gloria mundi;
Armorum legumq; Parens, tum sola virorum
Semideum pollens, Divum Domus aurea; Roma;
In lapides, sumptu magno, non æmula tantum,
Sed victrix, sed tota stupor, dispendia tanti
Luxus inquirens; lachrymas dans, viscera mandit.
Nempe fatigatis opibus, quod cessit edaci
In prædam senio, vis inconsulta, tumensq;
Fastus & æterno resperfit sæcula probro.
Omnibus his, credo, longe felicior moles,
Nec ullis agitata malis, stat, fixa suoq;
Pondere tuta manet, vim cunctam sustinet Euri.
Attollitq; caput, sublimi vertice læta;
Quam, super immoto, posuit, fundamine, virtus;
Et

Et cū ipse manus operamq; adjecit apertam,
Virtuti cognatus Honos. & gloria magnis
Innutrita viris, genus alto à sanguine ducens,
Extulit & celso pridem firmavit Olympo.
Hæcce Theatrales pompas, & Cæsaris ingens
Dictatoris Opus, portentaq; vitrea Scauri,
Totq; trophæorum Pompeij maxima vincit,
Æterno monumenta situ. Hæc oculosq; laceffit,
Splendidiore micans vultu roseoq; nitore.

Ac velut Astrorum Dominus, dum crine soluto
Blandius elato pellens temone jugales,
Efflantes roseum frenis spumantibus Orbem;
Irritat vultus; lucrum, ratus esse, videri.

Et Tibi, quem meritis, ipsi gratissima cælo,
Hortatrixq; operum virtus mansura per ævum,
Æquavit superis, trabecsq; prehendere jussit;
CONSTANTINE, decus magnū, lux aurea Gentis
Sarmaticæ; surgit talis cellissima moles,
Et meritum virtutis opus, tum grande theatrum;
Quod sibi formavit, meritis constantibus in Te
Immortalis Honos & Avitæ Gloria Gentis.
Hæc Tu, Memphiticis, plusquā Libycisq; columnis
Celsius assurgis; totum, quod Dædala virtus,
Artificumq; manus, vasto molimine vires
Exercens, fingit, magnâ vi brachia tollens;
Despicias ex alto: tanti per culmen Honoris
Evectus, vix non ipsis vicinior astris
Majestate Tuâ: tanti splendoris in auge,
Digna, Tuis meritis, latè vestigia figens,
Culmen honoratum prendis, fellasq; curules.
In quibus effulgens, sublimia culmina quævis
Artis & ingenij, virtutum culmine vincis:

Vsq;

Vsq; a deò, quamuis sit lyncea, nec se
Majestas calami capiat, vatumq; potestas
Succumbat toties, nervosis sensibus vrgens
Robora scribendi: quæ tanta reverberat alti
Luminis excelsi vis, lux tonitruq; coruscum.
Quod, non Assyrio, Siculoq; potentius ostro
Fulgurat, aut spargit Tyrio manus illa, superbo
Murice; sed quod, non, nostrum, sine nectare dulci
Cordis & affectus teneat signacula aperti.
Sic ut jam venias facilis, minimeq; timendus
Musis in calamum; Charites dulcedine mirâ
Perfundis: dum Te, haud metuant in culmine tanto
Visere fulgentem, ac victuris pangere chartis.
Quâ ratione Tibi, is, sese communicet altus
Emeritæ virtutis apex, & grande theatrum?
Totaque majestas trabæ? quam jure coronat
Immortalis Honos, & clari sanguinis in Te
Gloria, mille trahens ad posthuma tempora laudes.
Vtq; prius cæptæ surgant fastigia molis
Istius: incipio. quæ vos à stirpe Parentum
Prima tulit tellus? Lechicis dein intulit oris.
Heroûm fœcunda Parens Alemannia, postquam
Cunarum, stirpisque decus primumque vetusti
Stemmatis auspiciu dederit, mox mascula virtus
BREZARVM in tantam crevit, natalibus altis
Emeritam Patriæ, decantatamque Parentum
Progeniem; ut se se cohibere nequiverit unquam
Sedibus in Patrijs; si non diffusa per Orbem
Sarmaticum, late plantasset florida Tempe;
In quibus armipotens natis cunabula Mauors
Scuta virum stravit; vel docta Minerva virenti
Fronde, triumphales toties ornaverat axes.

Vel

Vel, quos, sanguineo Bellona refecerat imbris;
Tot laurus prensans, victricis præmia frontis.
At, nec fallaci mentem spes sorte fefellit.
Quippe potens virum, bellæ Germania, postquam
Sarmaticis, BREZAS pugnaces, intulit oris,
Tot dedit insignes, vario discrimine rerum,
Et meritis titulisq; viros. quos unicus in Te
Claudis & æternæ consignas omnia famæ, (tes,
CONSTANTINE. Cui, nunquā non fama tumen-
Ad dandos lituo sonitus exercita buccas,
Æternūm Pæana canet, latèque per amplas,
Orbis Sarmatici plagas, Tua facta refundet.
Scilicet, ingentes primœuā ab origine Ceras
Si repeto, calamus tremit & Parnassia rupes
Concutitur multum. Nam nec per Lydia culta,
Tot voluit rutilas dives Pactolus arenas;
Aut, tot stagna Tagi, rudibus stillantia venis,
Aurea dona vomunt: quotquot Sarmatica tellus
Hæc de stirpe Tuā, terris, Herōas, & Astris
Inscripsit, genitos; quorum licet atra vetustas
Nomina suppressit, manet illorum inclyta virtus,
Obsignanda ferens, fausto, sua gesta, sigillo.
Te mihi, Te Martis genuina, ERNESTE, propago,
Incorrupta Cedrus, folijsque virentibus hærens
Insculpsit solido, duroque adamante reliquit:
In gremio Patriæ toties Tibi laurea crescens.
Non mihi, centenis resonent, si vocibus ora,
Multifidusque ruat centum per pectora Phœbus,
Gesta referre queam: quæis Mars, Bellona superstes,
Immortale decus tribuit, nomenque perenne.
Iam Tibi multus Honos & Magni sanguinis ingens,
Ex Atavis, Proavisq; decor, sed maximus ex Te;

Quem, prægnans meritis, virtus Heröa patrauit.
Et quem vis animi, magnos imitata Parentum
Ausus; Marte ferox & vinci nescius armis,
Perq; cruentatam toties volutatus arenam,
Bellonæ peperit vigor: magno supparq; labori.
Quæso? nonnè Tuus CAMPUS rubuisse cruentis
Est visus palmis? quoties Thrax, Hydraq; Ponti
Cessit inadversam, traiecto flumine, ripam,
Camporum vicina tenens: hæc parte Gelonos;
Inde truces animas, rapidis torrentibus actas,
Effudit: quando Tu animosus Marte stupendo,
In Scythicas nubes, quò sævam turbo procellam
Acrius vrgebat, lecto cum milite castris
Sæpius effusus, Getas & Pontica monstra
Alcides Lechicus pressisti robore clauæ.
At Tibi, non frustra hic sudor largusq; cruorq;
Pro templis, laribus, Patriæ dulcedine, fusus,
Abscessit. Nam, quem tot meruere triumphi,
Ad trabeas iturus Honos, sudoribus altis,
Mille prius maduit. Sic, ut Sarmaticus Orbis
Nosceret Heroës BREZAS, per tela, per enses,
Per tot contemptas mortes, per vulnera mille,
Perq; sagum trabeas celsas, sellasq; curules
Prensare. Id bellè gnari, quòd militet omnis
Emerito fortuna sago. Vibratus in hostem,
Mucro trophæa metat. Martē vel purpura poscat.
Post hunc, magnanimus, magno supparq; Parenti
Filius, ingreditur, NICOLA VS, grande theatrum.
Heros insignis, Patri nec Marte secundus: (lem;
Quem pugnax animo sequitur. Ceu Pyrrhus Achil-
Armaq; cum lituis, & Martia classica fortem
Oblectant genium; qui pectore totus anhelat
Sanguis

Sanguineas acies, & aprici prælia campi.
Hic, necdum teneros pulchrâ nudaverat armos
Prætextâ. Postquam gustus, dulcorq; Paternæ
Indolis accendit mentem; mox spiritus ille
Bellator, Martisq; audus, cupit, æstuat: utque
Lenta Corinthiaco vestitus membra metallo;
Ante genas dulces, quàm flos juvenilis inumbret,
Oraque ridenti lanugine vestiat ætas,
Huc eat, armipotens ubi Mars adamante coruscat;
Atq; ubi non torpet tacito vagina metallo,
Et rabiidâ mucro cæde calet, strictumq; minaci
Ense, latus fontes terrarum in funera dextras
Erudit: ac ubi districti glomeratur utrinq;
Cruda seges ferri: fervet truce Moschua motu,
In clades armata suas; huc ire parat, nec
Lentus agit gressum, sed pernix, fulminis instar,
Euolat, ulturus violati foederis icta
Iura, vel illusæ pacis, sumpturus acerbum
Supplicium vindex, quod Gens pertura probrosè
Moschica promeruit, temerando pacta fidemq;.
Atq; subit campum vix hinc **BKEZEIVS** Heros,
Conscia belligeræ virtutis, in ardua præceps
Mens ruit illius, teneris, nec parcat ephebus
Artubus en miles; sed, quâ cuneata duello
Agmina, densantur, temeratæ Gentis, alacer
Hæc ruit, & strictum chalybem rotat, atq; dolosa
Colla metit Moschi, nec cedit totus in armis
Ex acies donec **SIO SMVNDVS** victor, ovanq;
Vinctus Apollineâ victricia tempora lauro,
Inde pedem festus, multa cum laude reflexit:
Atq; triumphanti, donec periuria Regi,
Pace lacescito, lueret gens perfida Moschæ

Ipsa

Ipsa catenatos humili ceruice Tyrannos,
 Stravit, humi vultus & sub iuga Lechica flexit.
 Nec minor assurgit NICOLAO census honoris.
 Illius Osmani, cum, formidabile mundo
 Nomen & immanis nunquam satiata vorago
 Sanguine Christiadum, diductis faucibus ampla
 Sorbens imperia & vix iam non totius Orbis
 Victor palmaris, Gentes à finibus Orbis,
 Armeniasq; Vrbes, & Graium Cycladas, & quod
 Hellepontiacam Thetidem, Pontumq; fatigat,
 Mouit contra nos; cladem, bustumq; perenne
 Et populis minitans ac Urbibus, excidiumque
 Christiadum Genti fabricans. sed tota vorago
 Regnorum, abruptæ nil profectus Charybdes;
 Mars ubi contemptor vitæ, Ductore potenti (uas
 SISMVNDI Lechicas Equitum peditumq; ceter-
 Contra ductavit. Statim nihil arma moratus
 Hic NICOLAVS adest, speciosâ luce triumphi
 Illectus nuper: Vir, quàm visendus in armis
 Tàm poscente manu generosus, fortibus ausis
 Insignis, ruit hâc, quâ confertissimus hostis,
 Immanes ausus & barbarâ tela ferebat,
 Hastato figens jaculo Bessosq; Getasq;
 Ordinibus ruptis donec disiecta, fugaxque
 Sæua phalanx rueret; turpi fastuque pudendo
 Concidit Osmanus, soloq; pavore, supinis
 Victori trepidum submitit collibus Hemum.
 Nec Te Musa vetat victuris pangere chartis
 Immortale, cui, struxit Mauortia virtus
 Majestatis Opus, Pharijs quod mille columnis
 Celsius assurget, longum durabit in ævum;
 Fulmen ADAME Gothi, Suecorum in cæta ruina.

Tu

Tu mihi, Tu proprio cultu, celebraberis atq;
Illustres, aliâ propè jam prensabis arenâ
Splendorum radios. rupes Parnassia plenis
Fonibus effundet latices: dabit ungula claras
Bellerophontis equi, vasto cum gurgite lymphas.
Nam Tua, laurigerum virtus benè nacta phasellû,
Immensum spatijs peragrauit sanguinis æquor;
Nec non eximias Patriæ, devexit, in alto,
Merces, Oceano laudum, quas Patria semper
Cariùs obryzo sibimet mercabitur auro.
Quippe triumphales acies & sæua Gradiui
Classica, cum lituis, cinxisti, inuictus in armis,
Tot fertis, tot laurigeris distinguēs tempora vittis.
Viderat hoc ipsum terror belliq; tremendum
Fulmen & horribili soboles verissima Martis
Quâ Liuvones, quâ Borussos, acresq; Suecos.
Et quâ Massageræ lucentia Regna fauillis
Nec non Tartaricos Dolopes, Tanaisq; recessus;
CZARNECIVS latè populatus Marte secundo
Sternebat. Validis cum Tu non impiger armis,
Herœæ virtutis apex, belliq; sagiq;
Vfibus instructus, semper comitatus eundem
Et socius lateris, nec non pars magna laborum.
Ponè sequax operum, ivisti; per tesqua Danorum
Devia: pallantes Suecos, Livonasq; fugaces
Prosternens rigidis, metuendus Sarmata contis.
Hinc, Tibi, nec mirum, quòd post Santocia lætis
Obuia Satrapicum dederit cum fascibus, ostrum,
Inq; Togâ, castrense Sagum, chlamydemq; refecit
In Laticlauum, Sancti Patremq; senatus.
De cataphracto habuit cōversa catastropha Marte.
Nam sibi, non tantum posuit, sedemq; locavit

In Te Mars rigidus; castris, inuictus & armis
Vt niteas, semperq; ^{super}his clarior usu.
Et Te Phœbus amat, ducunt commercia Tecum
Pallas & armipotens bello metuenda virago.
Nam si bella tonant; Martē quoq; prœlia poscunt;
Hæc Tibi fidus adest comes, & commilit o signis.
Hæc facit, ut medio fortissimus Hector in æstu
Prælia conficias. Iam si discordia demens
Exoritur, trepidas inter metuenda curules,
Te tenet illa sibi; fastos & jura Senatûs,
Libertatis opes patrias iustiq; tribunal
In tabulis animi referens, folijsq; Sybillæ.
Scilicet, in pretio magno Tritonia Pallas
Constitit, & patriam Themidem comitatus ubiq;
Consus ADAME, Tibi, ad tripodē Regniq; Tri-
Consilij pectus sapiens, dictamē ad omnes (bunal
Suppeditans operas, successibus undiq; magnis.

At magnus virtute Parens. sed nec minor ejus
Est soboles, quæ nunc vestigia pulchra Parentis
Exprimit, ut quamvis fatis vergentibus ille
Concidit, ac illum letho damnaverit hora:
Parte tamen meliore sui, super alta perennis
Astra feret nomen, natorum in imagine vivens:
Cum duo BREZEIÆ, carissima pignora, Genti
An Patrio cælo, satius submisit Atlantes?
Te, NICOLÆ loquor, Patrē, qui suppare Marte
Sectaris bello. vives! cœu iure Paternæ
Heres virtutis, decorumq; ex asse relictus
Possessor. Peditum quē nunc trabeata Zamoysci
Ductorem fecit Legio, ut Mauorte calentem.
Sed nec transierim mutâ sine laude Camcenâ
Germanumq; Tuum, quem nunc lectissima virtus

Indolis

Indolis excelsæ, iussit lustrare per amplum
Liligerum regnum, Rhodani spumantis ad undans
Expositum. vos (si spirant præcordia Phœbum)
Vos sibi flos Patriæ seruat, duo corcula Fratrum;
Vt succrescentis pulcherrima germina famæ
In vobis habeat, spebus Respublica plenis.
Nec vobis geminos non urget fama iugales
Quæ pretium præstans armorum gloriâ, pulchro
Cum Mavorte dedit; felix quaternio fratrum,
VLADISLAE decus Martis. NICOLAE Gradivi
Fulmen Threicij. Tu Maxima gloria magnæ
ADALBERTE Domûs. Gētis sublime IOANNES
Delicium claræ. Vestrûm vaga gloria cornu
Facta canet, lituo, æternum fastisq; Nepotum
Non feret emeriti lethæa silentia Martis.
Sed, quæ Musa canet? quot quot vastissimus Orbe
Sarmatico, pandit patrius sua iugera, Campus.
Hinc tot magnifico succrescunt culmine Cedri;
Quot Procerum procera, virûm, fastigia surgunt,
Ipsaq; verticibus palmatis sidera pulsant.
In Te, hæc maiestas, se magni luminis instar,
Explicat ingenuè. Maiorum Maxime, Lucis
PATRICIÆ CENTRUM, Patrii flos unice CAMPI
BREZEIÆ Lux magna Domûs, Lechiciq; Senat⁹,
Gemma Palatinûm, cunctorum Nobilis Icon
CONSTANTINE: faces, quæ lumina mille coronât
Ex Atavis, Proavisq; Tuis, à cardine rerum
Ducta, per omne genus meriti, belliq; sagiq;
Si tamen ad lancem, rem vestigaverit istam,
Iudicium mentis. manifestè nostra Camœna
Dicere non dubitat: Magnum Maioribus esse
Te. Sed adhuc Maiorē ipso. Quæ singula magnos
Efficiunt

Efficiunt, Tu cuncta tenes. Tibi munera plena,
Donavit natura penu, virtusq; benigna,
Indolis ex genio magnæ, conclaue beatum
In Te mox posuit sibi. Vix ad luminis auras
Prodisti, tenerum Tibi vix corpusq; iuventæ
Nobilius Lucina dedit. Iam Principe dignum
Spirabas genium; gratus charusq; futurus
Olim Principibus. Non Te puerilia Matris
Blandimenta Tuæ, potuerunt frangere: nec, quæ
Oblectant pueros, quibus & pueritia crescit
Deliciæ; sed jam tum molli spicula dextrâ (traq;
Vix tolerante procul jacere; aut caua tympana u-
Sollicitare manus; vel quidquid muta supellex
Palladis, aut quidquid chartis vetus allinit ætas,
Id sibi porrigere optabas. tum viribus vltro
Ipse Quirinali toties præcinctus amictu,
Sublimes paruus scandeabas sæpè curules.

At ubi firmavit se se jam grandior ætas,
Vtq; sui compos infantem excussit & ora
Soluere posse datum est; statim Tibi prima iuventæ
Tempora Palladio fluxerunt culta senatu,
Ac altum sapere decus, tenerisq; micabat
Igniculis, tantus maturo lumine splendor.
Iam tunc exiguo grandis de pectore virtus
Eminuit, præclara sui jam signa patebant
Luminis & morum splendebat compta venustas.
Canicies animi, rudibus perfectior annis,
Pondera tollebat vastæ sublimia mentis.

Post ubi Pieriæ Phoebeia castra Mineræ,
Victor & emeritus miles, centumq; coronis
Pulvere Olympiaco lectis, ornatus Athleta
Dum tener egrederis, Musarumq; atria linquis.

Non

Non Tibi desidias molles, non marcida luxu
Otia, nec somnos animus sublimis inertes
Permisit, patrias intra traducere sedes:
Ni loca, ni terras, alio sub sole calentes
Lustrares, fors illustrares climata passu;
Doctrinamq; Ducem, fidam comitemq; bonorum
Temperiem morum raperes; quâ plenus, ubiq;
Attonitos oculos rapuisti Victor anhelos.

Atq; nec in cassum cecidit labor. Vtq; Penates
Liquisti patrios. Louanî climate postquam
Constiteris: studijs, cultum geniumque severis
Excolis assiduò: Divas complexus & illas
Altera, quæ sanctum Iurisprudencia, castum,
Altera, quæ Civilis-habet-sapientia, Nomen.
Sed nec displicuit celebris, Princepsq; Sophorû
Doctus Aristoteles; cuius Tibi flamma calores
Vivaces auxit, fecitq; calefcere Musas
Corde Tuo. Sic, ut toties stupuisse Camœnas
Contigerit, crebrò obtutus vertisse stupore
Attonitos in Te. Cum Tu certamine docto,
Victor magnanimus palmam, nomenue tulisti.

Inde peregrino, per tot, pede, regna vhebas
Ingenij cultum, pulchros ex ordine mores.
Gallia crine ferox, studijsq; asperrima belli;
Illico, lucidiore die florescere sensit
Lilia grata satis, pulchro candore decora:
Cum, decus egregium suadæ, labijq; disertis,
Troianis, Tua, pasta Rosis, vox, ore sereno
Explicuit, pulchrosq; sales, mentisq; benignæ
Temperiem dedit. haud dubiò Sorbona diserta
Ore loqui voluisse Tuo jam Numina terris
Credidit, & cupidâ sermonis mella politi

Sorbuit aure suâ. Iam verò murmure rauco
Ipse suum præceps fluuius spreuisse cubile,
Teq; sequi, visus; moresq; stupere Sequana
Gaudebat: tacitis, querulis nunc fluctibus altum
Ingeminans; quòd Te frueretur tempore parvo
Parva loquor. Ligures Venetosq; erectior amnes
Postquam contigeras; frondentibus humida ripis,
Hospitis in plausum tanti, non absq; triumpho,
Colla levant, pulcher Ticinus & Addua visu
Cæculus & velox Athesis, tardusq; meatu
Mincius, inq; novem consurgens ora Timaus.
Ipse ferox undis, Venetis desponsus habenis
Adria, submittens cicuratâ fronte procellas,
Iam Tua lambebat leni vestigia fluctu.

Ac, ut, Apennini montana cacumina saxi
Proximus ascensu superas; mox prona, supinos
En Tibi substernunt gibbos. Latiamq; per oram
Transitus, ut pateat, liber, pendentia saxa
Submittunt, gressuq; Tuo; cœu sole repente,
Terga, pruinosis niuib; frigentia, gaudent
Dissoluisse. Alijs per tot discrimina rerum
Tenditur in Latium. Tibi verò semper ubiq;
Vidimus extendi campos, subsidere valles,
Fronde regi sylvas, lapidosos surgere montes.
Tandem Romuleas peteres cum proximus, arces,
Protinus Hesperidum vitreus regnator aquarum,
Intumuit plausus; sinuoso vortice lymphas
Contorquens subitò; blandos, in Te Hospite, vul-
Pronus adoravit. Capitolia celsa Quirini (tus
Submisere caput. Te plausibus undiq; mistis
Romulidum dulces genij, celsiq; penates
Excepere, ceu Decios Fabiosq; per Urbem

Pro-

Proveherent fastu victrici. Lætior ibat
Omnibus illa dies, fastos numerata per omnes;
Quâ Tu CONSTANTINE deus, lux, gloria Gêtis,
Indole magnanimâ pariter, gratoq; decorus
Ætatis rosæ vultu, flos sanguinis alti,
Ibas per populos, gentes, noscendus per omnes
Vrbes: grata, Tui placidi, spectacula vultûs
Cunctis dispensans. Quæso quis singula fando
Ad numeros revocet? Quibus erga Te oppida pas-
Ardebant studijs. quiuis Te poscere Civē (sim
Gaudebat, pandensq; Tibi signacula aperti
Cordis & affectûs. Sed amor stimulavit auitus
Natalis Patriæ; cuius dulcedine mirâ
Illectus pridem, longo post tempore fines
Illius optabas peregrinus visere tandem.

Nec mora. Nam postquam lustrâsti longiùs oras,
Totq; Vrbes, cultosq; lares; Neptunia regna
Calcasti, Patriæ rursus; velut imbre madentes
Post Hyadas, densisq; obductam nubibus æthram
Emicat, & sudum reteggit sol igneus Orbem:
Exoptatus ades, felix & prosper Vlysses,
Non ullis actus fatis, nec blanda pericla
Sirenum passus: quæ semper voce canorâ,
Dulce malum pelago nautis & fata minantur.
Quippe Tibi virtus, tenero sub pectore, sedit
Et pudor & docti legem sibi dicere mores.

Tu his comitatus & his patrium deductus in Orbē,
Non alibi; Magni præterquam Regis in aula,
Prætextam posuisse Tuam, meritæq; decorem
Debebas sumpsisse togæ. Quam dum Tibi dextra
Porrigit invicti CASIMIRI fascibus altis
Digna virente manus Cedro: quâ iuribus æquis

Hinc

Hinc ferro Mavors: illinc Clementia scepro
Gratiaq; insignis, Danaës delapsa per imbrem,
Orbi Sarmatico. Nam virtus fortis Achilli
Non fugerat Scyrum; periuræ ad mœnia Troiæ
Olim qualis erat terror, fulmenq; futurus
Dardanidum Æacides: statim Lycomedis in aula
Talem se monstrat. sublimis ab indole virtus
Emicat eximiâ. Qualem Te conspicit Orbis
Nunc Lechicus; talem pridem vidisse licebat
CONSTANTINE Virû; cum tâta palatia Regis,
Judiciumq; Tuum, rerumq; Peritia solers
Et pudor & tenero probitas maturior ævo,
Summas inter opes recreabat, amicaq; corda
Herculeo veluti sibimet necendo monili.
Viderat, id toties Princeps CASIMIRVS apertè,
Cum dedit ingentis commissa negotia curæ
Pectoris electi penetralibus, inq; probato
Condidit illa sinu. Nam voto Principis in Te
Respondit facies, animi cultissima tota,
Intus habens Argos, & lumina mille sub ictu
Mentis, & ad quoduis momentû maxima promès
Rebus in abstrusis, maturi pondera sensûs.
Hic Tibi regales inter fascesq; thronosque
Culminis in summo gestis robusta, diuque
Succreuit iustis meritis exercita virtus,
Vertice mox visenda suo, Patriæq; theatro,
Atq; datura suæ magnæ fastigia mentis.
Et, nec inexpertum, faceret Te nobilis ætas,
Martis & armisonæ Bellonæ; desidis aulæ
Segnitiem linquis, secuturus signa Gradivi,
Siue petat Parthos, seu cuspide turbet Hydaspem
Balthicus interea Mauors in prælia postquam

Increo

Inerepuit cornu, Lechis feralia buſſa
Horrificis cantando tubis. Tu Marte, rogâq;
Te cupiens monſtrare Virû, mox grandibus auſis
Iviſti lateris comes & commilito dexter
CZARNECII; cuius vexit tot pulchra trophæa
Argo triumphalis, victurâ laude perennis.
Hic Tibi bellandi ſtimulus, tum proxima caſſis,
Heros magnanimus fuit. hoc victore metebas
Tot laurus, palmas, hoſtis ceruice relatas,
Atq; Tuis CAMPIS felici Marte ſubactas.
Parthica poſt rabies, quæ ſuevit vivere raptos;
Atq; Coſacorum triſtiſſima ſcena doloris
Mox Tibi maiores, fuſo cum ſanguine laurus,
Emerito cenſu tulit; & ſublime theatrum
Virtutum, laudiſq; dedit: cum totus in armis,
Mille modis tuleris, per tot diſcrimina belli
Principis in facie CASIMIRI, ſerta, coronas.
Inde redux caſtris, animum, cultiſſima ſandi
Mens Tibi, quam dederat, conſeſtim promiſ in uſû
Publica dum Patriæ facies, & cauſa requirit.
Vidimus, ô quoties! cum Tu reſponſa ſagacis
Conſilij pandens, quæuis monumenta theatri
Roſcius intrâſti; ſic, ut jurâſſe Togatos,
Contigit in ſuadæ ſeſtentis verba Quirites.
Quid? non, præſtiterit Latijs illime fluentis
Ingenij linguæq; decus? duleiſſimus oris
Nectareo torrente latex? quo leniter altum
Influis in pectus, captiuans mille catenis
Gallicus Alcides, dulci cum flumine flammam
Ore ferens, placidè quâ cunctis pectus adurges.
At non ſola Tibi, ſacundo germine vincit
Gratia miſta roſis, animos, & pectora nexu

Mancipat ingenito; dum suavis mentibus instas.
Te grauitas immota virum, candorq; sereno
Ore nitens, & apertus amor solidare videtur;
Et vox affatu facilis, frontisq; benignæ
Certa fides, blandi verecunda modestia vultûs
Commendat. Puro qualis nitor æthere fulget;
Gemmaq; quæ fuluo radians intexitur auro:
Aut ebur, aut Pario marmor de monte recisum.
Non rigor in facie, toruiq; injuria factûs,
Nulla supercilij nubes premit ora, retorquet
Linguaq; reddendæ officium cunctata salutis.
Adde animos flexu duros, quos frangere nosti
Mitibus arbitris, & acuto robore magni
Consilij, quo jam solus sublimior ante
Effulges omnes. Tu animos componere dictis
Atq; faces sæuas odiorum extinguere felix,
Litibus immensis, desperatisq; sepultos
Casibus, & toto distantes jungere cælo
Nocte dieq; patens. Verum si carmen in istud
Hos ego nobilium cumulos conuoluerer rerum
Contendam; centena satis non lingua disertis
Oris sufficiat; melius Tibi subdita, tantum
Fama decus tollat, Regniq; senacula pandant.
Hic ubi Nobilium sensus, & publica Regum
Orbis in aspectu Lechici vox convenit: hic Tu
Patritium columen fueras & regula legum,
Expediens votis, toties cum jure vetandi
Nuncius, & Tribuum Præses, prægrandia rerum
Pondera sustentans; perplexa negotia soluens.
Hinc Tibi sacra Themis, librat, quæ pondere lancē
Hic ubi juridicum Regni, summumq; Tribunal
Legibus erexit Patrijs, prænobile munus

Con,

Contulit; inq; Tuo toties jam pectore firmum.
Defixit solium; quando Te Præsides, totum,
Quidquid legifero profecit Sparta Lycurgo,
Sæpius explicuit, rerum sublimia tangens.
Bellica quid memorem? ruptæq; negotia pacis
Et perplexa domi Civilis munera curæ,
Ardua quæ fuerant. Te consultore redacta
In solidum tandem. Toties cui sæpè relata
In tabulas, commissa datum est æraria Regni
Noscere, Quæstorumq; manus censere fideles
Arbitrio Patriæ: quod munus sine decoro
Gessisti Victor, successibus undiq; magnis.

Hinc Tibi pro tantis meritis, sudoribus altis,
Imprimis, super arce tholi, collata potestas (Orbis
NOVODVORENSIS; quæ, quidquid Lechicus
Et sublimè tenet; summa quid servat in auge
Iam Tibi, virtutiq; Tuæ, meritisq;, paratum
Ominis auspiciū tulerat, quòd, semper idipsū
Mox habiturus eras Nec spem fortuna fefellit
Nam Tibi mox trabeatus apex, gemmisq; coruscās
Augustale dedit, majestatemq; Senatūs
Attulit excelsam, POSNÆ dum se Tibi supplex
CASTELLANVS honos tulit ultrò, Teq; rogavit
Vt Trabeas eius laticlavasq; Curules
Cepisses, quæis Tu dum sublimaris in altum,
Non Te luminibus nostris, sic eripis, ut Te
Cernere non valeant. nec nos sic spernis ab alto;
Vt iam secernas: ut vel commercia nostra
Turgidus effugas, aut ut conspectus Olympum,
Oblitusq; Tui, nostris succurrere rebus
Nolis, vel renuas Patriæ fulcire ruinas
Aut quoq; jam detrectet eam obsequiosa voluntas

Eloquio

Eloquio firmare Tuo Nam culmine summo
Cernimus Te talem, qualem conspeximus ante.
Nunc Tibi par pietas, eademq; modestia vultûs
Idem amor, isq; decor morum. Natura nec ulli
Mitius ingenium dederit, (quin talis inesset
Lenis, & affatu bonus, & patientior æqui)
Quàm Tibi; dum prœdis trabeâ, sellasq; curules
Scandis Posnanix, majestatemq; Senatûs
Lucraris meritis. minimum nec, celsus in alto
Turgidus alloqueris fastu, nec prospera flatus
Attollunt animos: quin ipsa superbia longè
Effugit, ut vitium rebus solenne secundis.
Virtutumq; ingrata comes. Te tangere passim,
Affariq; licet, nulla formidine cinctum.
Nempe satelles Honor, non hâc ratione fidelem
Se Tibi conjunxit comitem: tumefactus ut altum
Culmen honoratum caperes, sed maius ut inde
Auxilium ferres lapsis, possesq; ruentes,
Tutariq; reos: totus penetralibus imis
Pronius ex alto, cunctorum mite leuamen,
Influeres, traheresq; adamantina pectora post Te.
Viderat antè parem Tibi, felix Sparta Lyncurgum
Res Pandionix talem coluere Solonem.
Nam quæ seditio? quæ nam dissensio vulgi?
Indocilis tolerare togam, pacemq; perosa,
Te viso, non flexa cadat? quæ dissona gentis
Barbaries? media quam non reverentia flectat,
Floquiumq; Tuum; vel gratia plena pudoris,
Formosusq; rigor? Latijs cui ora fluentis
Tullius effinxit, cui mollia labra coronat
Atticus ille nitor, facundo germine verans.
Et, quis Pierios dulci testudine cantus

Tyrtheus


Tyrrhenū non spérnat epos? vel liquida stagna
(In quibus imbellis moribundo gutture cygnus
Funera solatur) postquam Permeisidos undis
Concinuit felix Helicon, fluxitq; Aganippe
Largius & docti riserunt floribus amnes,
Hoc in Te sublime decus, (mirabile dictu!)
Audijs; atq; fuit toties suspensus ab ore,
Orbis Sarmatici brevis, & non longa voluptas,
Sed vastus gemitus, longi catapulta doloris,
Rex MICHAEL: quoties magni respōsa Senatūs
Eloquio crevère Tuo: nec Lechica cultu
Majestas meminit se se maiore locutam.
Vnde nec id mirum, quòd vis præcelsa, throniq;
Mens Divina sui, sensu decreuerat alto,
Nomen ut augustum, nec non Oracula Magni
Principis, haud alius Cyneas loqueretur ab ore,
Aut pondus, Lechici, Alcides portaret Atlantis;
Quam Tu: quem decorat victrix opulētia linguæ,
Aut etiam, quem vel majestas maxima Regum
Audiat & videat, Cyneam. Legatio quando,
Suetica Gustavi, genio committitur alto,
Virtutiq; Tux; quā spectatissimus in Te
Lechiadum radiavit apex, animusq; virilis
Majestate Tuā micuit, cum Gotthica belli
Fulmina frenasti; LECHICI fastigia sceptri
Inconcussa loquens, & frangi nescia ferro
Ostendens: quanquam repetito tacta fuere
Ictu bellorum. Sic ut trux Suecia posthac
Non fuerit mirata, suum insuperabile robur
Succubuisse (dolor!) Lechicis armis; ubi iam Te
Magnanimum, fortemq; sui, conspexit apertē
Victorem; magno rationum pondere, sensus

Ipsius ADOLPHI moderantis scepra, coronas,
Et convellentem, & suavi mox ore trahentem
In rem Sarmatiae. Sed non minor inq; Ducales
Mitras; est concessa Tibi vis, plena potestas,
Quam in fasces Regum: quos, Tu mirabile fatui
Ut novus Alcides, pendentibus ore catenis,
Traxisti facile. Quando Electoris, in Orbe
Borussi, Martis, gratæq; negotia pacis,
Maturâ virtute librans; persuaseris id, quod
Extorquere mucro, vel Martia tela nequissent.
Quis fuit, ô quæso! Gentem, populosq; feroces
Prussos, qui potuit, pariter cum Gente Polona,
Armare in Suecos? nec detrectare sub vna
Ire, Ducis nostri claua; tolerare labores
Imperiumq; pati. Si non tua compta disertis
Hæc gravitas oris, vigilans prudentia rerum;
Quam, nihil, inconsultus, agis, nec suscipis unquâ.
Oquàm prodigiosa dies! quâ Prussus alacris,
Gens inimica Lechis, contra quæ steterat olim,
Signa Ducis Lechici mutuo comitatus amore,
Ibat; nullo tunc cultu diversior vnquam,
Sed par, sed similis, Lechici pro parte triumphis,
Insudans; inuicta gerens præcordia Martis,
Et validos nifus, quibus ut mucrone cruento
Viscera Suecorum transfigeret omnia in ictu.
Cætera non memoro. quibus en Tua celsior astris
Virtus consurgit, maiestatemq; meretur,
Et justæ pretium laudis. Quis suppare plectro
Flamine Pierio vates hæc doctus adæquet?
Ipse coronatus, Lechiæ fors unica, Mauors,
Sarmatici Cynosura poli, lux maxima Sceptri
REX HEROS, cui Palma virens Oriente subacta
Orditur

Orditur palmare iubar, nec occidet unquam:
Ægeas hyemes, Hellespontumq; minacem,
Et Geticas frenare nives, Bessi q; furorem
Sistere cui licuit mihi quæ dicenda supersunt,
Hæc de Te augusto, gemmisq; nitente loquatur
Ore, Tibi cuius pridem iam Regia corda
Expanso patuere sinus ut videaris in illis
Immortalis, apud tardos, serosq; nepotes.
Id Tua promeruit pietas, studiumq; fidele,
Ac amor immensus, quo Regia corda triumphas,
Illis respondens, pariter solioq; thronoq; . (ret?
Nam Tibi, quid quæso crebrius præmète cohæ-
Et sapit in lingua? quam vox gratiosa IOANNIS
Augusti REGIS, cujus victricibus armis,
AVSTRIA Bistonij compressit castra Gradivi.
Hunc Tibi narrare est quædam festiva voluptas.
Hoc, publicis quàm priuatis conuentibus altum
Exhilaras animum, gaudes & laudibus eius
Instaurare dapes, festis conuiuia mensis
Nomine complere, & nusquam Te lautiùs illuc
Posse putas epulari; quàm dum Principis huius
Præsidet Augustum Nomen, celebratur ibidem.
Scilicet hunc animo, quouis gestare locorum
Optas præsentem, coram Te sistere passim:
Vt non effigiem solam, sed prototyponq;
Vivum mente geras, ac omnibus illud ubiq;
Pectoribus figas, nec non adamante perenni
Consignes, tanquam gemmis insigne monile,
Talibus, ac tantis meritis, virtutibus altis,
Cum fulges Patriæ. Mox Te Sapientia cordis
Sarmatæq; Pater, majestas tota IOANNES,
Emeritæ iudex mentis, praxisq; suprema,

Arbitrio

Arbitrio summo, nec non & Principis ore
Ecce *PALATINVM* legit, & promulgat in Orbe
Sarmatico *CALISSENSEM*. maiora daturus
Mox Tibi, virtutiq; *Tuæ*, cumulare paratus
Præmia, per quæ Tu, sublimia culmina scandas.
Nec dilatus honos. Nam vix *OPALENIA* Navis
Fascibus augustis, & avitæ laudis honore
Fessa triumphali, stellantia flumina rostris
Attigit; & vigiles Themidis *Posnensis* habenas.
Emerito pridem, decantatoq; per Orbem
LESCINIO CAPITI commisit. Protinus altas
POSNA, Palatinas, supplex Tibi lapsa Curules
Obrulit, & trabeæ reducis, non absq; triumpho,
Augustale dedit. Cuius fastigia felix
Scande triumphali curru. Nam gloria summa
Te sequitur meritū. famulas Tibi porrigit ulnas
Celsus honos. gaudetq; Tuis submittere plantis
Cervicem fortuna suam, non inscias quod Te
Ambiat, ex meritis longè præeuntibus, & quod
Culmine Te summo visendum ponat in Orbe
Summus honoris apex. Eequid jam vota moraris
Virtutemq; Tuam? lam se Tibi tota serenat
Nobilium facies; Proceres & brachia tollunt,
Complexusq; Tibi dulces, tot corda, tot ora
Effusi pandunt. Academi turba Camœnis
Dedita: dum fabricat trabeati culminis istam
Amphitheatralem molem; se prona supinat
Exoptatq; Tibi, ut cedris viuacibus iste
Duret honos, illustris honos, mansurus in ævum.
Quem Tibi bellatrix, victrix, augusta *IOANNIS*
Gratia decrevit. durando secula vincat.



oe

as.

s

s

o,

nas

is

d

aris

m.

NIS

